

**Inirniqhanut Qanuriliurutikhat
2010-2014**



Pitquhiliqiyikkut

HIVULIQ UQAUTIGIYAA:

Inirniqhat naunaitkutalluat Inuinnaqnut naunaitkutarivlugit. Kangikhihimayangit naunaittut amigaittut ayuiqhimmaraqpaktatik inuuhirmingni inuuhiutjutauyumi. Pitquhiit naunaittut pitjutigiyanut qangaraalukmut pihimayumayangitlu pitjutigivaktavut ihumaliurutiptingnut hivuniptingnut.

Amihut inirniqhat ublumi pamiktauhimayut atuqhugit Inuit pitquhiit. Inuuhimayut mikiyuni hanikpaniittuni, atuqhugu nunaup pitjutaigiyanginnut malikhugitlu pitquhirmingni pivagainik Inuit nuatqatigiigutigiyanginnut. Imaatut, ayuiqpagait katitirhugit kangikhiyakhat knguliit inungnit. Tatjalu, hungiutiyut angiyunut aalanguqtirutinut. Ilaqatigiiktut nuutauhimayut angitqiyanut nunallaanut pitquhiraluaqtik nunami qimakhugit. Angikliyuumivlutik atuqhugit hivuraani pivagainut, pihimayumayangit ukpigiyaitlu naunaitkut tahapkunani Inuit nunallaanginni. Taimaatut, tunihiniq pitquhiptingnik, atuqpaktanik unalu Inuit Nuatqaitiigutinut Pihimayumayangit inirniqhaptingnit nutaamut inuuhiutjutauyumut Inungnut havaktauyakhaq pihimayaangani atuqlugu aalangayuuq naunaitkutariyakkut pitquhiriyaptingni.

Umani titiraqhimayumi, Pitquhiliqiyikkut qanuriliurutikhaqaqtut ikayuutigkhanut inirniqhanut atuqlugillu ayuiqhimmayanginnik ikayuutigilugit nunallaaptingnut. Imaatut, naunaiktangit pitjutikhat inirniqhat pilikpalliyumalirianginni uumunga pitjutikhaanut.

HAVAKNAHUAQTAVUT:


Pitquhiliqiyikkut piqaqtut havaknahuaqtamingnik ikayuutigilugit inirniqhanut Nunavunmi. Tikittaami uumunga tikittumayanginnut, una havakviup pitquhiliqiyikkunut havakvia havaariyait manikhainniklu tunihivlugit pitquhirnut havaktauyanut inirniqhanut. Una havaktauyakhat ilagiyait pitjutingit aittuuiakhanik ikayuutikhaniklu tahapkununga pitquhirmut ayuiqhautikhanut katimalutik, inirniqhat katimayiinut iglupakhanullu, havaktauyakhat katipkaivaktut inirniqhanik inulrammiinullu uukturlugit havaktakhanullu naunaikhugit ihuaqpiaktut uqauhiriyanginnut naunaitkutat pihiiinullu pihimayangit Nunavunmi.

Nunallaat
naunaikhimayangit
“Inirniqhat” tahapkuat
ukiulgit qaangikhugu 50-nik

KANGIKHITJUTAA:

Qangaraaluknituqat kangikhihimayangit, pitquhiit, itjuhiit, uqauhingit pitquhingillu pihimayumayangit nutaqqamingnut pihimayut hivumullu pivlugit. Uumunga pitjutaanut, havalluagakhat piyauhimayut Inirniqhanit, Inutquanit/Aaquanit, Anaanattianit Ataattianillu. Inuuvlutik kangikhihimayut ayuitpiaktullu pitquhiriyamingnik, tautuktauvaktut imaa inmik ilumuuhutik inuuvaktut ihuaqtumik malikhugit nunakyuamik piliuqhimayumut piliuqtauhimayanullu. (Unniutigihimayangit Royal Commission on Aboriginal Peoples-nit, 1996, Volume 4, pp.101)

Tikitqayakhugu 10-nut ukiunginnut, ukuat Inirniqhat Inulrammiillu havakviit (ukuat Nunallaami Havaktauyakhhat) CLEY-kuni pihimayangit naunaitkutit inirniqhanut tamainni nunallaani uqaqvigiyaqhainut ikayuqtitlugit pitquhirmut hanaqitjutikhanut. Una naunaitkut oihimavluni pitquyanginnut nunallaani ilauyunit nunallaalluanit inmik naunaikhivlutik Inirniqhanik tahapkuat ukiuqaqtut 50-mik qaangiqhugu. Una naunaitkutaq naunaiktaa nampangit inirniqhat kangikhihimayut pihimayut pitquhirmut Inuit nuatqatigiigutainut ikiklivallialiktut.



Havaarilluaqtangit inirniqhat tunivlugit pitquhirmingni kangikhihimayamingnik ihuirutiyuq uqaqhirmut tammaliktumut, amigaikpalliyut naunaittut hivuraanit pitjutigiyaqyut ukiuqtaqtumi, ikiklivallialiklutik pitquhirmut ayuiqhaqviit. Pitjutikhat inirniqhanut aalanut ayuiqhaqtitlugit ayuiqhimayamingnik pihimayut inuuhirmut hanikpaniitlutik, atauhiuyuq ubluq tamaat atuqpagait inuuhirmi, tatja ikiklivalliyut. Taimaatut, tatja pilluaqtakhaat uukturlutik tatja titiraqlugit pitquhirmi kangikhihimayangit ikayuutigilugit nutaanut pitjutikhainut inirniqhanut ayuiqhaiyaanginni inulramminut.

Inirniqhat inuuvlutik atuqpagait amihut aalannguqtirutit inuuhirmingni imaalu atuqtilihakhugit qilaminnuaq nunakyuamut nunagingitamingnut. (Inirniqhat ilauyughat qauyihainiaqtuni, 2005)

Pitquhikhait inirniqhat talvani Inuit nuatqatigiigutaini aalannguqtuq kitkani 20-ni 100-ni ukiunginni nutaamut itjuhikhamut inuuhirmi naunaikhiyuni nayukhimmaakvikhamut nunanik ihuarhaqhimayunullu iliharvikhanik. Pigaluaqtitlugit uumunga aalanullu aalannguqtirutinut, Inuit uqauhingit pitquhiillu hakugiktut amihuni nunallaani imaalu tamaita inirniqhat ilihimayut pitquhiraluami Inuit kangikhihimayanginnik, ayuiqhimayanginnik piyumayanginniklu. Inirniqhat Nunavunmi ilauvaktut havaktauyani ihuaqhihimayut ayuiqhautigilugit ukuat pitjutingit Inuit pitquhiinni aalamut atuqtauniaqtumut inuuhitjutaanut.

QAUYIHAIJTUTIKHAT:

Pitquhiliqiyikkut itquumagiyait inirniqhat ihuatqiyauyut naunaikhiyaamingnik aghuurutigiyamingnik naunaiklugillu ihuaqhiutikhat inminik pilutik.



Inirniqhat ikayuutikhaqaqtughat tikittaamingni tikittumayamingnut naunaikhimayut inmingnit. Ilihimayughat inmik ihumagiyamingnik pitquyatik tuhaqtauyut kavamatkunit imaalu havaktauniaqhutik. Pigaluaqtitlutik inirniqhat uqaqvigiyauhimayut piquatut aalanik inuuhirmingni aalanitlu nunallaamiutauvlutik pitquyauhimayut inmingnit aatjikkiivvyaktut. Pihimayumaniq Inuit uqauhinginnik pitquhiinniklu ihumagiyaulluaqtangit unalu naunaikhiniq ihumagiyaulutik inirniqhat inulramminit. Imaatullu, naunaittut amihut pitquyauhimayut ihumagiyangit munaqhiliqiyit inuuhiriknirmullu inuuhittiarnirmut. Taimaatut, qauyihaitjutigiyangit pitjutauyuq

anipkaivlutik uuminga *Ilitariliklugit Ihuaqhilugit Inirniqhat Piyumayanginnik 2005-mi*. Pinik uuminga qanuriliurutikhamut ikayuutauyuq havakvingmut ihumagivlugit havaktaqhatik, aittuuhiat ikayuutillu taimaatut pilugit naunairikhimayut piyumayanginnit naunaikhimayanginni inirniqhat.

CLEY-kut havakniaqtut ihivriuhimmaaqlugit ihuarhilugillu havaktamingnik. Taimaatut, havaktiit havakvikmi atuqtaat una *Inuit Qaujimajatuqangit Katimajit* katimatjutait lqalungni talvani Immaktirvia unalu Aptilirvik 2008 uqaqatigivlugit inirniqhat qanuq pitjutauniariakhainut havakviup havaktaqhangit ihuarhiyauniariakhainut. Kakugungukmat talvani ukiungani, naguuyumik tamait pivlugit qauyihaiyut. Inirniqhanit katimayakturhimayuq tamainnit nunallaanit upautiquhimayut katimiyakturlutik. Katimatjutikhat ihuarhihimayut tahapkunani nunallaani:

- Qikiqtaaluk, Kinngait, Tarium Hikutirvia 2008
- Kivalliq, Nauyaat, Taaqnirmut Aullaqtirvia 2009
- Kitikmeot, Kugaaruk, Apitilirvik 2009.

22-nguyut tahapkuat inirniqhat katimayiit tatja Nunavunmi. Ayuqhautiqaraluaqhutik naunaittut amihuni akiliktauhimaittumik havaktuni katimayiinni havakviinni, unalu ayuqhautigiyauhimayuq havaktiqahimmaaqnirmut ayuitpiaktumik titiraqtimik unalu manikhamingnik uutuffaaqpakhutik aulayaamingni, CLEY-kut tunihivaktut inirniqhanut katimayiitut manikhanik tamainni ukiunginni. Aalat manikhat piinnarialgit aittuutinut ikayuutinullu havakvikmi aalanillu havakviknit ukunangalu kavamatkut havakviinnit.



QANURILIURUTIKHAQ: HAVAKTAUYAKHAT

Pitjutigihimayangit tugliup qauyihaitjutainut inirniqhalla havaktauhimayut qanuriliurutikhaliuqhutik; uukturtut naunaikhilutik naunaittunik uqariyauhimayanik pitkuvlugit inirniqhanit talvani tugliani qauyhailikkata.

Qanuriliurutikhaq iliyauhimayuq ihuarhivlugu talvanittuq Tamapta-mi (Kavamanga Nunavut, 2009):

Katitlugit nunallaavut; Inirniqhat pitquhirmik atuqhimmaaqtut, ikayuqlutik hivullurutikhanut, tunilugillu pitquhirmut ayuiqhimayavut kangikhihimayavullu. Tamaita inuuhitjutingit, inulramminit inirniqhanut, pitquyauniaqtangit ikayuqlugillu angikliyuumilugit inmik havaktahamingnut kavamaliqinirmut hivuliqtunirmullu. Amigaikpallianiaqtavut pitjutikhat havaktauyakhallu ikayuutigilugit nuatqatigiiknirmut, ulapqinirmut, hulilukaarutikhanut pitquhirmullu hulilukaarutit nunallaani hanikpanilu.

Taiguaqhugit ataani havaktauyakhat, piyughauyut ilihimalugit pinahuaqtangit, tugliit havaktakhat qanuqlu pitjutingit naunaikhimaittullu qanuqlikaak. Taimaa, tamaita piyakhat atauttikkut ihuaqtumik havaktauyaangani takuyumayangit qanuriliurutikhamut tamaat pilugu.



A: HAKUGIKNIKHALIURITLUGIT INIRNIQHAT – NAAMAHIMATJUTIKHAIUQNIRMUT

Piliuqlutik ihuatqiyamik, hakugiktut inirniqhat katimayiit, inirniqhat ihuatqiyamik havalirianginni ihumagiyamingnik inmiknut pihimayumayamingnut. Ihuaqtuqmik pivaktut, ayuitpiaktut ihuaqtut amihunik inirniqhat katimayiinik, ihuarilugit ihuaqtut havaqatigiitqatigilugit haamlitkut katimayiit kavamatkullu, naunaikhitjutiginiaqtaat ihuaqtumik atuqtakhamik naguuyullu inirniqhanut tautugumayut ikayuqlutiklu aalannguqtirutikhanut nunallaami nunaptingnilu.

Inirniit uqaqtangit:

- Kiinauyaliqinirmut aulatjutinullu naahimatjutikhat tahapkununga inirniqhat katimayiinut taima ayuqhautigihimmaakpaktaat imaalu ihumagilugu piyakhaat.
- Piyumayangit kangikhiyuumihimayunik manikhaliuqtughanut naahimatjutikhait inirniqhat katimayiinik.
- Piyumayangit aangayaaknaqtunut taanganullu kanikhitjutikhanut katimatjutigilugit ikayuutigilugit kangikhiyaanginni hunik inuit ipiralailaqinikkut kangikhiyuumitjutikhat katimalutik kangikhiyaanginni hunik inuit ipiralairutiqaqtut atuqpagaat.
- Piyumayangit kangikhiyuumitjutikhat qanuq Kavamanga Nunavut havakpagiangani.

Tikitaunahuaqtangit:

- ❖ Ayuiqhaipkaktut inirniqhat katimayiinut; havaktauyughamut uuktuutikhanut pivallianirmut; manikhaliurutikhanut qanuriliurutikhat; katimayiuyut kavamaliqitjutingit havaktughaqhiurnirmullu upalungaiyautikhangit.
- ❖ Ikayuqlugit pinahualiqtanginnut Inirniqhat Katimavikhainut Nunavunmi.
- ❖ Havaqatigilugit RCMP-kut HSS-kullu aullaqtitlugu una angayaaknaqtunik taanganullu kangikhitjutikhanut katimatjutikhat.
- ❖ Havaqatigilugit aalat GN-kut havakviit kangikhiyuaanginni kavamatkut havakpagainik.

Talvanna Piyakhat:

- Nunallaami manikhaliuqnirmut katimatjutikhat kangikhiyuumiyaanginni tahapkununga inirniqhat katimayiinut piliuqlutiklu hakugitqiyamik manikhaliurutikhanut uuktuutikhanut.
- ikayuqlugit RCMP-kut HS&S-kullu angayaangnaqtunut taanganullu tautuktittitjutikhat inirniqhanut.
- Kivgaktuqtitlugit tahapkununga havakvingmut inirniqhanullu tunihivaklutik naunaitkutanik kavamatkut havakpagainik;

Qanuriliurninngit:

- Inirniqhat kangikhiyuumiyaanginni manikhanut uuktuutinut pivallatjutikhanut, katimayit aulapkaitjutikhainut manikhaqvikanullu.
- Ihuatqiyak, naguuyuq tamangmik ikayuqatigiiktut katitirhimayut inirniqhat katimayiit havaqatigiiktut tamainni Nunavunmi.
- Havaqatigiigutit hakugikhiyuumiyut akunngani inirniqhat RCMP-kut HS&S-kullu.
- Inirniqhat kangikhiyuuminaqtut maligaliurutinut havakpagainut qanuqlu piyumayamingnik uqariyauyaanginni kavamatkunit.

B: KANGIKHIPKAITJUTIGILUGU NAGUUYUMIK IHUMAGIVAKLUGIT INIRNIQHAT – QUVIAHUUTIGIVLUGIT IKAYUUTAIT INIRNIQHAT

Pitjutingit inirniqhat tuhaqtitauniaqtut havaktauyanut katipkaitjutigiyanginnut inulramminut, quviagilugit iniqtirhimayamingnik, pitjutikhainullu inulramminut ayuirianginni pitquhirmingnik uqauhiriyamingniklu. Naguuyuk pitjutauyani ihuaqtumik ilitarilugit inirniqhat pivagainni Nunavunmi ukuat katitirhimayuni quviagilugit iniqtirhimayangit.

Nunallaat ihumagivaktut inirniqhanik tautulimaitait pipqalimaittugillu pimmarlungnirutait ihuittumiklu ighipkakhugit pivaktanginnullu. Taimaatut, inirniqhanut pimmarlungnirmut kangikhitjutit aghuurutit hakugikhiyuumitjutiginiaqtangit kavamatkut havakviinik ukuatlu nunallaani katimayit havakviit havaqatigiiklutik nutqaqtitlugu inirniqhanut pimmarlukniq.

Inirniit uqaqtangit:

- Iharianiq ikayuutikhamik nunagiyamikni, kitikmeonmi, kivalliqmi, qikiqtaalukmi, avikturhimayunilu inirniit katimavikhanginnik quviahuutikhanginniklu.
- Aliaginiq ikayuutauniqmut nunagiyamikni uqaqtakhanginnik inirniit.

Tikitaunahuaqtangit:

- ❖ Ikayurlugik katimaniq quviahuutiginiqlu inirniit nunagiyamikni, kitikmeonmi, kivalliqmi, qikiqtaalukmilu, avikturhimayunilu.
- ❖ Piliurlugu katimaniq Apirhuiyitkunni atlanilu katimayiyuni ikayuriami atuligtitaugiami nakuuyumik piyakhavut inirniit taimaaqtillugulu irhinaqhaaqtumik piniq pimmarlukniqlu.
- ❖ Ikayurlugu ilihimaniq naunaipkainiq ihumagilluaqhimayuq irhinaqhaaqtumik piniq pimmarlukniqlu inirniit.
- ❖ Pipkailuni nunagiyarni uqaqtakhanginnik ilihaitjutingillu inirniit naunaipkaiyuq uqauhinginnik pitquhinginniklu ilihimaniq.

Talvanna Piyakhat:

- Ikayurlugik inirniit katimayingit ihumaliuqluni piliurlunilu tikittakhamiknik maniqqami ittumik pinahuarutinik.
- Ikayurluni munarinnga atuligtitauninnga uqaqtakhamiknik inirniit.
- Piliurluni katimaniq Apirhuiyitkunni atuligtitaugiami nakuuyumik piyakhat inirniit nutqaqtirlugulu inirniit pimmarlukniq.

Qanuriliurninngit:

- Naunaitkutinga qanurininngalu inirniqhat Nunavunmi naunaipkaiyukhauyuq.
- Katimaniq hakugiktitauyuq inirniit inuulramiillu Nunavunmi.
- Ikayuutautikhanik inirniqhanut pimmarlukniq ilihimaliqtauniq akhuurautikhanik.



C: QANGARAALUKNITANIK ILIHIMANIQ– INUULRAMIINUT NAUNAIPKAINIQ UQAUHIQ PITQUHINGALU

Qangaraalukmit, Inuit piliuqtut quvianaqtumik uqauhirmik, pitquhiqmik, ilitquhimiklu. Inuit ilihimaningna nunamut, huratjanut hiamullu ukiuqtaqtup atlatqiiktuq atlanit atuqtaunngittuqlu. Akhuurniq piliuqtukhauyuq pihimagiami hapkuat atuqtauningit inuit kitkuuyaakhamiknik nutaami nunagiliqtaptikni. Una havaaq ihariagiyaayut inuulramiitut tunigiami iluittumik piliurhimayumik ilihimaniq inuit kitkuuyaakhanganik inuulraptiknut pihimapluni aittuutigiyaptiknik inuuqatiginiqmik, pitquhimik ihumaliurniqmullu unipkaa q piliurninngalu qangaraaluknit utuqqaugiami.

Inirniit uqaqtangit:

- Aliagiplugu ilihainiq qanurininnganut ilanginnik ihivriunniq angikliyuumiqtukhaugaluq.
- Titiqqamunngarlugik nunallaat unipkaarutingit ikayurniaqtaat inuulramiit kangirhigiamikni nakuutqiyayumik qanuqtut nunagiyanga pilihaaqtuq.
- Aliaginiq titiqqamunngaqtayuuq nuna atinginnik nunallaani inuulramiit atuqtakhanginnik.
- Ikayuutikhalluaqaqtukhaugaluq utuqqanik ayuirhaipkaiyukhanik.
- Ihariaginiq angikliyuumiqlugu qaffinik maniqqami hulilukaarniq inirnikhanut inuulramiinullu.

Tikitaunahuaqtangit:

- ❖ Piliurlugu ikayuutikhanik tahapkunanut aliagiyaat qanurininnganut ilanginnik ihivriunniqmut.
- ❖ Unipkaanik katitarhimmaaqlugit havaklunilu pipkaitjutigiami qanuriliurninngit pitaalaqilugik.
- ❖ Qinirlugu piliuqtaaruknarhiunik atlanik aatjikutaliurhimayunik ikayuutikhat atlatlu naunaipkaitjutingit pihimayut unipkaanik titiraqhimayunik nipiliurhimayunik.
- ❖ Ikayuutigilugu pinahuarutit katimapkaitjutayut inirniit inuulramiiniklu.
- ❖ Ikayuutigilugu maniqqami ilihainiq ilihapkaitjutayuuq qangaraaluknitangik ayuirhainiq uqauhitigullu taininngit.

Talvanna Piyakhat:

- Piliurlugu qanurininnganut ilanginnik ihivriunniq havauhikhat.
- Piliurlugu ilihaitjutikhanik katimapkailuni havauhikhaniklu.
- Piliurlugu maligakhamik angikliyuumiutigiami inuknut piinariaalaqilugik unipkaanut katitiqhimayut Pitquhiliqiyikkunniit.

Qanuriliurninngit:

- Katimaniq hakugiktitaavaktuq inirnikhanit inuulramiinullu pihimayut ilauqatigiikhutik aliagiyamiknik pitquhinginnik, uqauhingannik ilitquhinganniklu.
- Nutaanguqtirininnga qangaraaluknitangik nunap atingit Nunavunmi.
- Qangaraaluknitangik ilihimaniq, ayuirhimayangit, ilumuurutingit uqauhingillu inirniititutquumayut inuulramiinullu tuniyauvaktut.

D: AANIARNAITTUMIK INUUHIQ ILAGIYAMIKNULLU – IKAYUQNIQ AANIAQNAITTUMIK IHUMAMITIGUT TIMIMIKNULLU

Aaniarnaittumik ihumangit, timingit ilagiyangillu pipkaiyuq inirnikkhanut hulilukaanginnriangani, pipkaiyuq inuhinginnut pittaigiami inukmiuniq pitquhinginniklu avaliingarnaittumik. Inmikkuurniq ingutaarniqlu ikayuqturlu inirnikhanut pihimagiamikni inmikmut-nakuuginiq hulilukaanginnrianganilu ikayuutauyut nunagiyamikni. Aatjikutamik akhuurutauyuq ilitariami inmiknik piyunut aangayarnaqtuniklu ipirailailaaitjutinik inuulramiini pikmat inukmut ayurhautjutimik piyuq pittailinnannut, nakurutjutinginnut aliahuningillu inirnikhat. Talvuuna, ihivriuqninga pigumi ikayuutaupat inirnikhat aaniaqtailinnganut inukmiuniqlu nakurutjutingit ihariagiyauyut. Una ilaliutihimayuq pitquhiliqinirmut ihuatqiyauyumut aaniarnaittumik inuutjutikhanginnik pinahuarut, ihuatqiyauyunik iglukhamiknik pilluarumayamiknik akhuurninngalu piliuriami aaniaqnaittumik ilaagiiktut nunagiyamikniklu.

Inirniit uqaqtangit:

- Ihariaginingga inukmiugiami ihuarutikhaq ihumamiknut timigiyamiknullu.
- Piumaniq timimitigut hulilukaariami ihumamitigullu nakuugiami.

Tikitaunahuaqtangit:

- ❖ Piliurluni katimaniq atlanut kavamatkunnut havakvingit atuligtigiami aaniaqnaittumik inuugiamikni pinahuarutinnik.
- ❖ Ikayuutilugik inuknut hulilukaarutit timimitigut hulilukaarutauyut ihumamiknut timimiknutlu inirnikhat.

Talvanna piyakhaq:

- Piliurluni katimaniq atlanut kavamatkunnut havakvingit atuqtamiknik atjikutaanik tikitaunahuaqtangit.
- Piliurluni taiguagakhanik aaniaqnaittumik inuugiami atlatqiiniklu ayurnaittunik timimitigut hulilukaarutitik tuniyakhat inirnikhanut.

Qanuriliurninngit:

- Hakugikillugik piqatigiikninngit atlanut kavamatkunni havakvingit atuligtigiami aaniaqnaittumik inuuhiq.
- Angikliyuumiqhimaluni ilihimaniq ayurhautigiyauyuq inmiknik piyut, aangayarnaqtunik ipilailailaaitjut unalu ilinngayunik iglut piliurninngalu ihivriuqninga maligakhangani ihuarhigiami tamna.



E: IHUA

Pitquhiliqiyikkut tunivaktut manikhanganik atlatqiinguyunut ilihaitjutikhanik ikayuqtut Inirniinut Nunavunmi. Ilaa, atlatqiiqaqtut atlanik GN havakvingit atlatlu timiqutigiyayut taimailuqtullu. Qanuriliurutikhat uumani maligakhami piyuq amigaitqiyayumut atuinnaqtainnik pinahuarutikhat tatja piqaqtuq Inirnikhanut.

Tamna tikitaunahuaqtangit, talvannga piyakhat qanuriliurutauyullu titiraqhimayut kingulliqaami makpiraangani iniqtirilimaittuq Pitquhiliqiyikkunnit avaliittumik pigumik. Inirnikhavut ihariagiyut atayumik piyukhat pitqutigivlugik paarutigiami ihariagiyanginnik. Ihivriuriami pigumi, naalakumiklu hunamik inirnikhavut uqaqtaatigut, pinahuaqtavut ihuarhigiami qanuriliurninnga inuuhiqmut uumanga ilumuurutigiyayunga amihuuniptiknik.

